

喉科種福

下

293



喉科種福卷四

湘鄉易

方塢樵纂

男

信盛丁生

仁盛壽珊

叅訂

急喉痺

喉痺之爲病。頸項腫痛。面赤口紅。頭痛身疼。氣促痰
鳴。牙關緊閉。語言不出。湯水不下。其來暴其勢危。非
有斬關奪隘之將。不能挫其鋒銳。治法必先開其牙
關。洗其口舌。方見喉內腫處。色必紫紅。此毒火也。即



北京中醫藥大學圖書館版權所

內經所謂一陰一陽結也。服雄黃解毒丸。見自疫喉。令其

上吐下泄。劫頑痰而散惡血。又於頸項敷燕壘丹。見紅

疫喉。罩騎潰圍散。塗化龍丹。以推鍼法刺少商穴。出血。

分解其勢。吹霜塞清筋散。服清咽利膈湯。或加味黃

連解毒湯。諸證皆罷。但喉內腫痛。其色紫黑者。以此主之。

清咽利膈湯

牛子 連翹 黃芩 元參 芒硝 桔梗

荊芥 防風 黃連 薄荷 甘草 銀花



大黃 竹葉 梔子 生研

按肺胃積熱。復感風邪。風熱相搏。上壅咽喉。致病各證。○本方加殭蠶。去翹。梔。芩。連。硝。黃。銀。花。竹。葉。名利膈湯。治肺脾風熱。咽痛生瘡。

加味黃連解毒湯

黃連 黃柏 黃芩 梔子

赤芍 薄荷 甘草

霜塞清筋散

血竭二兩

兒茶一兩

硃砂三兩

薄荷三兩

雄黃五兩

硼砂五兩

荊芥三兩

細辛五兩

麝香一分

冰片一分

共乳細末，磁甌固封儲用，可吹一切風火實證。

而吹乳蛾尤爲要藥。此歷傳祕方也。惟孕婦與婦女熱入血室及一切虛寒喉痛皆不可用。

單騎潰圍散

皂角末一味醋調厚敷腫處

化龍丹

鯉魚膽和伏龍肝塗咽外

走馬喉風

此亦一陰一陽結也。走馬者言其迅速之至。有頭痛

身疼面赤口紅頸項腫痛牙關緊閉痰響若拽鋸聲

音即嘶啞飲食湯藥阻隔不下諸凶證喉內之腫或

見鮮紅

風火也

或見紅紫

毒火也

急以開關洗口各方令

其口開舌軟服雄黃解毒丸令其吐瀉服清咽利膈

湯清咽散結於內。頸項敷燕壘丹。少商用推鍼法。分
解其毒於外。迨諸證悉罷。惟喉內腫痛不已。色但紅
紫。可以加味黃連湯與之。吹霜塞清笳散。方均見前。

纏喉風

此證喉內熱結。喉外腫繞。且癢且癢。且腫且痛。風涎
壅滯。成流。而出口不能言。以玉屑無憂散主之。噙曹
軍望梅丸。吹霜塞清笳散。
玉屑無憂散

礞砂仁

荊芥

砂仁

寒水石

元參

黃連

貫衆

山豆根

茯苓

西滑石

生甘草

共研細末每以一錢入口清水送下

緊喉風

其證初發暴急肺胃積熱

或膏粱厚味太過或飲酒藥過度

復受邪

風風熱相搏上壅咽喉腫痛聲音難出湯水不下痰涎壅塞之聲頗似拽鋸用推鍼法刺出其血用桐油



南京中醫藥大學圖書館版權所有

錢探吐其痰。吐後用甘草湯漱口。解油氣。服雄黃解毒丸。吐下之。次服清咽利膈湯。前見吹白降雪散。

白降雪散

礪砂一分

焰硝五分

西石膏一分半

膽礬

五分

冰片

二分

元明粉

三分

症上痺喉風

此證頗類緊喉。由肺胃蘊熱。積久生痰。外復受風邪。與痰熱相搏而成。湧塞咽喉之上。初起咽喉腫塞。疼



痛湯水難嚥。語言不出。牙關緊急。此屬險喉。急以雄黃解毒丸水化。用細竹管將藥水吹入鼻孔。直達咽喉。藥入作嘔。即令患者吐之。其牙關頓鬆。咽喉即稍開通。先與米泔飲之。次服清咽利膈湯。兼吹冰硼散。用藥不應者險。若唇黑鼻流冷涕者逆。

冰硼散

硼砂五

硃砂六

冰片五

元明粉五

凡喉病腫痛者。皆可以此吹之。

喉閉

此證由肝肺火盛復受風寒相搏而成。咽喉腫痛。

赤腮腫頂外漫腫。

漫散漫也。謂腫處平鋪無頂。

甚則喉中有塊如

拳湯水難入。猝然如症。暴發寒熱。乃寒氣客於會厭。

也。初起勿投寒涼之藥。恐難消難潰。先以生羊肉片

貼腫處。或用引膿散敷。以一將當關方噉。

小兒敷吹方同。惟不

可用噉法。

勿嚙其汁。但促之成膿。俟腫處膿脹時。用皂角

末醋調。厚敷腫上。以末吹鼻取嚏。其腫即破。痰壅塞

者。用桐油錢以吐其痰。用推鍼法以洩其毒。用薑汁

漱口。宣發其熱。或用醋漱。以消積血。小兒無知。漱則

以米泔薑汁和醋洗口。初服荆防敗毒散。寒熱既退。

隨洗隨出。方不嘔下。

腫處消潰。方服清咽利膈湯。吹霜塞清筋散。初起不

藥恐其
腫難破。

引膿散

炭薑一

官桂一

甘草節一

血竭一

紅麴米粉一

研末熱醋調敷腫上

荊防敗毒散

荊芥

防風

柴胡

前胡

皂角刺三

羌活

獨活

川芎

薄荷

生薑一片

桔梗

枳殼

茯苓

甘草

蘇葉三分

鎖喉證

此證繞頸止痛一線。喉中無跡。惟頸外微腫一條。圍繞頸上。用熱濕手巾圍於頸上。即現紅色一條。未交

口者易治。已交口者難治。治以桐油錢探吐其痰。或以雄黃解毒丸醋調灌鼻中。入咽令漚。無表證者。清咽利膈湯。有表裏證。服防風通聖散。敷燕壘丹。吹霜塞清筋散。

按景岳先生在燕都見一及笄女子。無病而喉竅緊澁。息難出入。不半日而緊澁愈甚。其脈無火象。其喉不腫痛。其面色青。目瞠。瞠目直視。又定視也。不能語。其聲則喉竅之細如鍼。抽息之窘如縶。伸頸掙命求

救不堪之狀。甚爲可憐。投二陳加生薑不效。欲用
獨參救肺氣之絕。而又不肯。竟一日夜而歿。後又
一人亦如此而歿。景岳謂此爲真鎖喉。爲肺氣將
絕。非獨參湯莫救。愚謂此非肺絕。乃瘟疫毒從口
鼻入。堵塞喉嚨氣管。故外見瞠目伸頸。掙命求救
之狀。內覺喉竅之細如鍼。抽息之窘如綫。面色青
尤徵其毒之見於面也。惟雄黃解毒丸。或可以斬
關救急。夫咽者。水穀之道也。喉嚨者。氣之所以上

下也。會厭者，聲音之戶。懸雍者，聲音之閔。四者同
出一門而用各異。喉以納氣，故喉氣通於天。咽以
納食，故咽氣通於地。會厭管其上，以司開闔。掩其
咽，則食下不掩其喉，必錯。四者交相爲用，缺一則
飲食廢而死。觀此，則聲音之不出，非肺絕也。乃毒
氣堵塞，會厭無疑矣。會厭居吸門之上，其大如錢，
爲聲之閔，薄而易起，音快而

便厚而難起，
音漫而重。

按毒入心，則音瘞，不可不知。

防風通聖散

大黃八分

麻黃半

薄荷半

石膏四

芒硝三

桔梗二

連翹三

滑石六

防風二

荆芥二

梔子三

當歸一

黃芩三

川芎一

赤芍二

甘草一

按表裏證不必悉具。但見有表有裏。即以此與之。惟麻黃尚須減輕。若厥證喉。各藥皆宜加重。

鎖喉毒

